

历代地理志韵编

一
函
十六
册

新平知府
藏

PDG

歷代地理

韻編今釋

二十卷

自漢書有地理志條列郡縣因革建置歷代從之於是輿地之學遂爲專家唐宋至今纂述益廣然其疆域名號合并析易或間廢闕晉魏後復有僞置鎮堡羈縻諸名紛紜叅錯代有罷立苟非由今日以推諸古昔明其地之遠近名之同異人士且南朔之不辨奚以達其形勢利病之得失緩急哉武進李先生申耆學術閎邃慨學者於輿地之學多昧古今而諸家之書或過繁賾而失統紀嘗縱橫爲圖自沙漠迄島嶼以水道緯其經界以極度準其里差率

明簡有法復取諸史郡縣分隸韻書以今爲本推諸前代
或地名皆同或同地異名或同名異地與今昔增損有無
殊異皆列其疆域廣袤所在至其字爲韻書所無者則以
古音讀與今方言次於其部不出戶庭而時代之遷嬗裔
徼之荒遼源流具在其絕舛馳何如哉夫古之儒者其於
問學多闢險阻而務以其簡易者導人記所云成物也則
以極天下之嘖者是矣道光十七年歲次彊圉作噩四月
戊申朔越七日寶山毛嶽生序

凡例

歷代地理建置沿革變亂紛摠名實訛淆或同地而異名
或同名而異地南北相乖東西易向試閱史書方隅莫辨
卽繙地志心目爲惛故編錄古來史書中地志所載郡縣
之名以韻次之分別時代條其同異鈎稽今代所在之處
以著其實閱史者易於尋檢焉

二十三史有地志者漢書續漢書晉書宋書南齊書北魏
書隋書新唐書新五代史宋史遼史金史元史明史凡十

四史唐宋金元明志每詳鎮堡羈縻州郡長官司之類皆有實地可據故并列之南北朝僑置州郡多無實地而僑置之處多有可考故卽其附著在所約略注釋

地名聲讀多沿方音與通行聲讀不同漢書有注說可據則依注分韻晉宋以下別無注證則以通行聲讀編之字之古今異體者悉依各史原文編入仍歸一韻如黝黔孤觚谿驪懽卷捲𢀛𢀛𢀛𢀛鄔鄔鄔鄔臯臯臯臯陽易彊彊成城鄔鄔伶令迢迢灕灕潛拒指峙峙僞隄宛苑苑嶺領漏

扇孰熟勺芍洛雒莫鄭荏荏額額皆是若一字異音則兩
韻分收如虹分東送共分冬宋氏分支庚紙蕃番分支元
羨分支霰次分支寘慮分魚御吾分虞麻臯分虞豪單分
寒銑潘觀分寒翰鄴分寒歌燕分先霰卷分先軫鄩分歌
翰華分麻禡靡分麻紙藏相浪分陽漾令分青敬承乘分
蒸徑與分語御蓋分泰合皆是字有今韻所無者各依偏
旁音紐附入如羨入支嶽入尤郎入紙若入陌皆是

地名下小注以時代前後爲次郡詳其所屬州部縣詳其

所屬州郡同地同名弟以代中隔以空圈地異而同名者
次之隔以黑子

道光二年兆洛始至暨陽六生賡九問曰古今地名疆域
膠轄檢書猥繁讀史者何道以理之予示以 皇朝輿地

圖令以古地名識其上爲別以上古禹貢三代春秋戰國
爲經始年餘乃成繼檢各史地志別爲錄副而編以歸韻
編寫凡三四年乃既繼檢 皇輿表及 一統志表詳其

沿革著之於圖皆得其實地則又七八年繼會前代郡縣

注之每韻下又三四年而後成蓋六生德只之力十七八
焉初時編寫者徐生步莊王生望之夏生行之陸生子幹
張生子立吳生子清曹生豫章劉生秉彝成書繕錄者則
沈生鑑虛夏生厚栽蔣生樊圃劉生子千而隨時校讐商
榷者則宋生冕之六生賡九周生唐士鄭生守庭徐生康
甫黃生仲孫也自始至訖事閱十有六年矣雖非日日致
力於此而暇日之力則無不致焉可謂勞矣書徒薈粹載
籍檢稽同異無義理可尋求成之甚難散失甚易又卷帙

差多寫之頗難校之尤難爰以活字集印數百本使稍稍
流布誠以廢日力於此不欲成而速毀也編長纂襍誠不
能無舛謬漏奪惟淹雅君子加之糾正是有厚望焉充集
字之役者薛生安國蘇生汝亮族子仲武而德只實董之
追思施手之初若望之行之秉彝已不幸短命不見是書
之成而諸生各少者已壯壯者漸老所成幾何歲月卒卒
如此使兆洛獨尸其名不亦慙乎賡九名承如德只名嚴
步莊名紹堂望之名渭行之名時子幹名楨子立名志純

子清名廷璨豫章名秉純秉彝名純祚鑑虛名成受厚栽
名培樊圃名壽昌子千名道英冕之名景昌唐士名賡良
守庭名經康甫名思錯仲孫名志述安國名光煜汝亮名
旦然仲武名虎臣予尙欲爲歷代史地名長編凡史中地
名見於因事而非郡縣者悉編出之亦以韻類之藉可并
入上古禹貢三代春秋戰國諸地名若成此則地名皆有
歸宿讀史者無遺憾矣而此事尤難以檢閱者必心有識
別手能纂錄始可任此亦有三四生徒欣然受命者而無

財者牽於課蒙以餬口不能分力有財者牽於科舉以求
名不肯分心三五年來僅康甫成晉書一種餘多爲之而
不竟自度年齒已莫恐不能待也聊書之冀有同志者繼
賡焉

道光十有七年六月朔集字竟因識李兆洛

歷代地理志韻編今釋目錄

凡歷代所無之地而 本朝新設者并入下加 本朝
字別之

卷一

上平一東

東	同	銅	僮	童	中	忠	終	戎	崇
嵩	弓	宮	融	雄	穹	風	豐	充	隆
空	公	功	攻	蒙	籠	洪	紅	鴻	虹

叢翁通蓬潼

龐力中切鬃莫紅切

二冬

農宗鍾鐘龍松衝容蓉庸

封從逢峯鋒烽恭琮溶其

叩龔竇邕

三江

江邦降瀧雙

卷二

四支

支枝移爲陂宜儀皮兒離
施知池夷師肩之芝時棋

期祠基絲思滋隨岷維麋

彌慈遺脂卑岐斯熙羈彝

本朝

資推縻祇夔伊著箕坻

驪媯尼壘而邗綏羲騏毗

毗其睢蠡菑邳淇溜瀾氏

蘄 棹 祺 貽 虺 耆 惟 濫 提市之切

磁 鄒 哂 郛 黝 黠 驄 荏側持切 蕃符

羈切 番 留側持切 徙息移切 綮力追切 資 羨以

支切 唯 累 次止而切

五微

微 暉 輝 徽 韋 圍 違 飛 肥 威

衣 沂 巍 歸 圻 賁符非切 隄于希切 裴芳

非切

六魚

魚初葉書舒居車渠余興

餘胥虛徐閭廬諸除如墟

八茹沮滁屠慮

力居切 踞

卷三

七虞

虞無蕪巫于孟衢儒濡殊

榆區朱珠扶符敷紆蒲胡